



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 14. stav 1. Zakona o finansiranju političkih stranaka („Službeni glasnik BiH“ broj: 22/00, 102/09 i 54/10), člana 24. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2009. GODINU DEMOKRATSKE NARODNE ZAJEDNICE BIH

Broj: 03-07-6-73/10
Sarajevo, 14. decembar 2010. godine

SADRŽAJ

MIŠLJENJE REVIZORA	3
1. UVOD	4
2. PREDSTAVLJANJE POLITIČKE STRANKE	4
3. OPIS PREGLEDA I KONTROLE FINANSIJSKOG IZVJEŠTAJA.....	5
Predmet pregleda i kontrole.....	5
Cilj pregleda i kontrole	5
Obim pregleda i kontrole.....	5
4. PRETHODNE KONTROLE I REVIZIJE	5
5. NALAZI I PREPORUKE	5
5.1. NALAZI.....	5
5.2. PREPORUKE.....	7

MIŠLJENJE REVIZORA

Služba za reviziju finansiranja političkih stranaka izvršila je pregled godišnjeg finansijskog izvještaja Demokratske narodne zajednice BiH za 2009. godinu.

Rukovodstvo stranke je odgovorno za finansijske izvještaje, postupanje stranke u skladu sa Zakonom o finansiranju političkih stranaka i uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Na osnovu našeg pregleda utvrđeno je sljedeće:

Stranka nije ispoštovala odredbe člana 11. stav (1) i stav (3) Zakona o finansiranju političkih stranaka jer nije uspostavila potpune i adekvatne evidencije o svim prihodima i rashodima i obavezama političke stranke i finansijski izvještaj nije popunila u skladu sa Pravilnikom o godišnjim finansijskim izvještajima političkih stranaka.

Pregledom, odnosno kontrolom finansijskog izvještaja, osim gornje napomene nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Demokratske narodne zajednice BiH za 2009. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka („Službeni glasnik BiH“ broj 61/06) i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“ broj 103/08).

Zbog činjenice da nije obavljena revizija u prostorijama političke stranke, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja Demokratska narodna zajednica BiH ostvarila je prihode u ukupnom iznosu 250.726,28 KM, što se vidi iz sljedeće tabele:

Red. br.	Vrsta prihoda	Iznos u KM	Učešće u Uk.prih. %
1	Članarina	1.116,00	0,44%
2	Prilozi fizičkih lica	6.268,00	2,50%
3	Prilozi pravnih lica	500,00	0,20%
4	Prihodi od imovine	0,00	0,00%
5	Prihodi od pr. lica	0,00	0,00%
6	Prihodi od poklona	216,30	0,09%
7	Prihodi iz budžeta	242.625,98	96,77%
	Ukupni prihodi:	250.726,28	100,00%

Prema podacima iz godišnjeg finansijskog izvještaja Demokratska narodna zajednica BiH ostvarila je rashode u ukupnom iznosu 257.343,71 KM.

2. PREDSTAVLJANJE POLITIČKE STRANKE

Naziv političke stranke: Demokratska narodna zajednica BiH. Skraćeni naziv stranke je DNZ BIH.

Politička stranka je registrovana 16.02.1996. godine u Višem sudu u Mostaru, pod brojem: R-14/96.

Sjedište političke stranke je u Sarajevu, Hadži Idrizova 8.

Za zastupanje stranke ovlašteni su Rifet Dolić, predsjednik stranke, Hafeza Sabljaković, podpredsjednik stranke i Ibrahim Đedović predsjednik Glavnog odbora stranke.

Lice ovlašteno za podnošenje finansijskih izvještaja za 2009. godinu je Feriz Crnkić.

Prema podacima koje je Demokratska narodna zajednica BiH navela u godišnjem finansijskom izvještaju za 2009. godinu, organizacionu strukturu stranke čine:

- Glavni ured Velika Kladuša i
- 6 nižih organizacionih dijelova, odnosno ureda¹

¹ U okviru organizacione strukture DNZ-a BiH egzistiraju: Ured Sarajevo, Ured Cazin, Ured Bihać, Ured Banja Luka, Ured Zenica i Ured Bosanski Petrovac.

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Demokratske narodne zajednice BiH za 2009. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je Demokratska narodna zajednica BiH u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti reviziju u prostorijama političke stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskih izvještaja Demokratske narodne zajednice BiH obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka.

4. PRETHODNE KONTROLE I REVIZIJE

U prethodnom periodu izvršen je pregled godišnjeg finansijskog izvještaja DNZ BiH za 2006. godinu i izdat izvještaj o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 11. stav (3) Zakona o finansiranju političkih stranaka i Pravilnikom o godišnjim finansijskim izvještajima političkih stranaka.

Za 2007. godinu izvršena je revizija godišnjeg finansijskog izvještaja i izdat je izvještaj sa nalazima da je stranka postupala suprotno odredbama člana 4. stav (2), člana 8. stav (1) i člana 11. stav (1) Zakona o finansiranju političkih stranaka.

Za 2008. godinu izvršen je pregled godišnjeg finansijskog izvještaja i izdat izvještaj o pregledu sa mišljenjem revizora, nalazima i preporukom revizije da stranka treba postupati u skladu sa odredbama člana 11. stav (1) Zakona o finansiranju političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2009. godinu, utvrđeno je da politička stranka nije ispoštovala preporuke koje su date u izvještaju o reviziji godišnjeg finansijskog izvještaja za 2007. godinu, niti date preporuke revizije u izvještaju o pregledu godišnjeg finansijskog izvještaja za 2008. godinu, u dijelu koji se odnosi na odredbe člana 11. stav (1) Zakona o finansiranju političkih stranaka.

5. NALAZI I PREPORUKE

5.1. NALAZI

- a) **Na osnovu obavljenog pregleda godišnjeg finansijskog izvještaja i kontrole dodatne finansijske dokumentacije, utvrđeno je da Demokratska narodna zajednica BiH nije postupila u skladu sa odredbama člana 11. stav (1) Zakona o finansiranju političkih stranaka.²**

² Političke stranke vode evidenciju o svojim prihodima i rashodima. Politička stranka je obavezna da Centralnoj izbornoj komisiji Bosne i Hercegovine podnese finansijski izvještaj za svaku kalendarsku godinu (računovodstvenu godinu).

Politička stranka nije vodila adekvatne evidencije o prihodima i rashodima, čime je prekršila odredbe člana 11. stav (1) Zakona o finansiranju političkih stranaka.

- Prema podacima iz poslovnih knjiga koje je stranka dostavila Centralnoj izbornoj komisiji BiH, ukupan prihod koji je stranka ostvarila u izvještajnom periodu iznosi 250.761,00 KM.³ Uvidom u dostavljenu dokumentaciju, utvrđeno je da stranka nije evidentirala⁴ prihod od kamata banke u ukupnom iznosu 34,86 KM koji je ostvarila tokom 2009. godine. Za navedni iznos stranka je iskazala ukupne prihode u manjem iznosu u finansijskom izvještaju koji je dostavila Centralnoj izbornoj komisiji BiH.
- U godišnjem finansijskom izvještaju koji je stranka dostavila Centralnoj izbornoj komisiji BiH, Demokratska narodna zajednica BiH je iskazala troškove u iznosu od 257.343,71 KM, dok ukupan promet kratkoročnih obaveza u 2009. godini iznosi 86.655,08 KM, što nedvosmisleno ukazuje na to da stranka troškove evidentira tek kada izvrši plaćanje, a ne u momentu kada je trošak nastao.
- U svom knjigovodstvu stranka nema uspostavljene potpune evidencije o svim troškovima koji su nastali u 2009. godini. Stranka u poslovnim knjigama nije evidentirala troškove zakupnine poslovnih prostora u iznosima koji su utvrđeni prema ugovorima o zakupu⁵ koje je stranka potpisala sa svojim zakupodavcima, niti obaveze po tom osnovu. Detaljnom kontrolom dostavljenih ugovora o zakupu utvrđeno je da stranka nije iskazala troškove zakupnine za organizacioni dio u Bosanskom Petrovcu za 2009. godinu u iznosu 1.800,00 KM⁶. Uvidom u analitičku karticu zakupodavca JP BH Pošta d.o.o. Sarajevo – Centar pošta Bihać, utvrđeno je da stranka nije evidentirala troškove zakupnine za organizacioni dio stranke u Cazinu za 2009. godinu u iznosu od 990,25 KM.⁷

b) Demokratska narodna zajednica BiH je prekršila odredbe člana 11. stav (3) Zakona o finansiranju političkih stranaka.⁸

- Stranka nije popunila obrazac 3. - Ukupni prihodi političke stranke (izvori finansiranja) na način kako to propisuje član 13. stav (1) tačka (d) Pravilnika o godišnjim finansijskim izvještajima političkih stranaka⁹, niti obrazac 3 – c – Prihodi političke stranke od imovine na način kako to propisuje član 16. Pravilnika o godišnjim finansijskim izvještajima političkih stranaka¹⁰, jer nije iskazala prihod od kamata banke u ukupnom iznosu 34,86 KM.
- U poslovnim knjigama koje je stranka dostavila Centralnoj izbornoj komisiji BiH iskazane su ukupne obaveze na dan 31.12.2009. godine u iznosu 6.092,78 KM.¹¹ Kontrolom dostavljene

³ Podaci preuzeti iz bilansa uspjeha i bruto bilansa političke organizacije za period 01.01. – 31.12.2009. godine.

⁴ Obrazac 3. - Ukupni prihodi političke stranke (izvori finansiranja)

⁵ 1) Ugovor o zakupu poslovnog prostora zaključen u Bosanskom Petrovcu 18.11.2008. godine sa zakupodavcem Mile Kovačević. Iznos zakupnine za 2009. godinu po ovom ugovoru 1.800,00 KM; 2) Ugovor o zakupu poslovnog prostora zaključen u Banja Luci 10.04.2009. godine sa zakupodavcem Banjac Milenko. Iznos zakupnine za 2009. godinu po ovom ugovoru 4.800,00 KM; 3) Ugovor o zakupu poslovnih prostorija zaključen u Banja Luci 23.01.2008. godine sa zakupodavcem Jeličić Milovan. Iznos zakupnine za 2009. godinu po ovom ugovoru 1.000,00 KM. 4) Ugovor o zakupu poslovnog prostora zaključen u Bihaću 15.01.2001. godine sa zakupodavcem Hošić Esad. Iznos zakupnine za 2009. godinu po ovom ugovoru 6.000,00 KM; 5) Anex ugovora o zakupu poslovnog prostora zaključen u Sarajevu 05.03.2008. godine sa zakupodavcem Elmira Abdomerović. Iznos zakupnine za 2009. godinu po ovom ugovoru 9.600,00 KM; 6) Anex ugovoru br.0155-00/01 sa zakupodavcem Hasan Šehić zaključen u Velikoj Kladuši. Iznos zakupnine za 2009. godinu po ovom ugovoru 16.800,00 KM; Ugovor o zakupu poslovnog prostora zaključen u Zenici broj 013-40/06 od 01.06.2006. godine sa zakupodavcem Rudnik-trans d.d. Zenica. Iznos zakupnine za 2009. godinu po ovom ugovoru je 3.240,00 KM.

⁶ Ugovor o zakupu poslovnog prostora zaključen u Bosanskom Petrovcu dana 18.11.2008. godine.

⁷ Stranka nije evidentirala troškove zakupnine za novembar i decembar 2009. godine u iznosu 726,40 KM, a troškove zakupnine za mjesec juni, juli, august, septembar i oktobar evidentirala je u manjem iznosu za ukupno 263,85 KM.

⁸ Do 31.03. naredne godine političke stranke podnose finansijski izvještaj u formi koju odobri Izborna komisija Bosne i Hercegovine. Ovaj izvještaj sadrži podatke utvrđene Izbornim zakonom. Izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja.

⁹ U obrazac 3, Ukupni prihodi političke stranke – izvori finansiranja, unose se sljedeći podaci: ... d) Prihodi od imovine političke stranke (detalji u Obrascu 3-c) – ukupan iznos prihoda po ovom osnovu u KM. Na ovu poziciju unosi se iznos ostvarenog prihoda u izvještajnom periodu.

¹⁰ U obrazac 3-c, Prihodi političke stranke od imovine, unose se sljedeći podaci: naziv organizacionog dijela stranke, vrsta imovine na osnovu koje se ostvaruju prihodi, korisnik imovine političke stranke, broj ugovora, odluke, rješenja itd., iznos ostvarenog prihoda i iznos sredstava koji je politička stranka naplatila.

¹¹ Bilans stanja na dan 31.12.2009. godine i bruto bilans za period 01.01.2009. - 31.12.2009. godine.

dokumentacije, utvrđeno je da stranka nije evidentirala u godišnjem finansijskom izvještaju na Obrascu 5. - Pozajmice, krediti i dugovi, obavezu po osnovu opće vodne naknade u iznosu 41,40 KM. Za navedeni iznos stranka je iskazala u manjem iznosu ukupne obaveze u finansijskom izvještaju koji je dostavila Centralnoj izbornoj komisiji BiH. U skladu sa odredbama člana 23. stav (2) Pravilnika o godišnjim finansijskim izvještajima političkih stranaka, Demokratska narodna zajednica BiH bila je obavezna iskazati sve obaveze, skupa sa nazivom povjerioca, odnosno dobavljača, podacima o iznosu duga, datumu nastanka duga, visini rate i roku vraćanja duga.

5.2. PREPORUKE

Preporučuje se Demokratskoj narodnoj zajednici BiH da se pridržava odredbi Zakona o finansiranju političkih stranaka, a posebno na osnovu uočenih nedostataka se preporučuje:

- ❖ *da postupa u skladu sa odredbama člana 11. stav (1) i stav (3) Zakona o finansiranju političkih stranaka, da vodi evidencije o svojim prihodima i rashodima, odnosno da finansijske izvještaje popunjava na način koji je utvrđen Zakonom o finansiranju političkih stranaka i Pravilnikom o godišnjim finansijskim izvještajima političkih stranaka.*

KOMENTAR

U ostavljenom roku, Demokratska narodna zajednica BiH se aktom broj: 0225-00/10 od 09.11.2010. godine očitovala na Preliminarni izvještaj o pregledu godišnjeg finansijskog izvještaja za 2009.godinu, te dala primjedbe na nalaze revizije u smislu člana 11. stav (1) i stav (3) Zakona o finansiranju političkih stranaka. S obzirom na to da stranka nije dostavila relevantne dokaze koji bi uticali na nalaze revizije date u Preliminarnom izvještaju o pregledu godišnjeg finansijskog izvještaja za 2009. godinu, primjedbe stranke nisu uvažene.

Mr. Hasida Gušić, šef Službe za reviziju

Nevenko Andan, revizor

Amela Batuša, pomoćnik revizora